


OKRUŽNI PRIVREDNI SUD U BIJELJINI

Број: 59-0-Su-17-000 084

Бјелјина, 10.04.2017 г

PRIVREDNA KOMORA REPUBLIKE SRPSKE

Banja Luka, Đure Daničića br. 1/II

	ПРИВРЕДНА КОМОРА РЕПУБЛИКЕ СРПСКЕ ПОДРУЧНА ПРИВРЕДНА КОМОРА БИЈЕЉИНА
Број: _____	<u>99/17</u>
Датум: _____	<u>12.4.</u> 20 <u>17</u>
Бијелина	

SAOPŠTENJE ZA STRANKE I JAVNOST

"Sedmica sudske nagodbe" u Okružnom privrednom sudu u

Visoko sudsko i tužilačko vijeća Bosne i Hercegovine (u nastavku: VSTV-a BiH) je, na sjednici održanoj 8. i 9.2.2017. godine, usvojilo zaključak u skladu s kojim će se u svim prvostepenim i drugostepenim sudovima u Bosni i Hercegovini, po drugi put, provoditi aktivnost "Sedmice sudske nagodbe", a u okviru Projekta unapređenja efikasnosti pravosuđa II.

Cilj organizovanja i provodjenja ove aktivnosti jeste rješavanje što je moguće većeg broja predmeta mirnim putem, u skraćenom postupku, koji je ekonomičniji i brži za stranke. Period implementacije aktivnosti je 17.-28. april 2017. godine.

Da podsjetimo, Prva "Sedmica sudske nagodbe" održana je u periodu 3.-14. oktobra 2016. godin u kom period su pred sudovima u BiH zaključene su ukupno 833 sudske nagodbe, što čini 11 % od ukupnog broja predmeta riješenih na ovaj način u 2016. godini (7.366 predmeta riješenih sudskom nagodbom).

U skladu sa navedenim pozivamo sve zainteresovane stranke, a čiji se predmeti vode pred ovim Sudom, da u navedenom periodu pristupe sudu te riješe svoj predmet sudskom nagodbom.

Ukoliko želite Vaš predmet riješiti sudskom nagodbom to možete učiniti na način da informišete sudiju koji vodi Vaš predmet, na jedan od sljedećih načina:

- samostalno ili preko svog zastupnika uputite pismeni prijedlog za zaključenje sudske nagodbe;
- samostalno ili preko zastupnika kontaktirajte sudiju kako bi zajednički dogovorili termin za ročište za sklapanje sudske nagodbe;
- zajedno sa suprotnom strankom, te zastupnikom ukoliko ga imate, u toku navedenog perioda, pristupite na sud sa prijedlogom za zaključenje sudske nagodbe.

Prednosti sudske nagodbe

Sudska nagodba predstavlja:

- **Kraći i efikasniji postupak**

Vaš spor se okončava zaključivanjem sudske nagodbe pred prvostepenim sudom. Sporazum stranaka se unosi u zapisnik koji stranke potpisuju. Sudska nagodba ima status **izvršne isprave**, bez drugostepenog žalbenog postupka u predmetu.

- **Jeftiniji postupak**

Sudska nagodba je privilegovana sa aspekta plaćanja sudske takse, a prema odredbama Zakona o sudskim taksama. Zaključivanje sporazuma među strankama znatno skraćuje vrijeme trajanja

spora, te na taj način reducira i ostale potencijalne troškove nastale u vezi sa sudskim postupkom.

Jednostavniji postupak

U slučaju da se spor riješi zaključenjem sudske nagodbe stranke i sud su pošteđeni dugotrajnog vođenja postupka, nepotrebnog pribavljanja i izvođenja dokaza, odlaganja/odgađanja ročišta, dugotrajnog postupka namirenja, eventualnog drugostepenog postupka te dodatnih troškova koji nastaju pri tome.

Sigurnost i povjerenje

Sudska nagodba je izvršna isprava - stranke su li obavezi postupiti prema dogovoru navedenom u zapisniku o sudskoj nagodbi, jednako kao po pravosnažnoj i izvršnoj presudi. U slučaju da dužnik ipak ne postupi po postignutoj nagodbi, na osnovu nje je moguće pokrenuti postupak za prinudnu naplatu (izvršni postupak). Time se stranke oslobađaju dodatnog vođenja parničnog postupka pred sudom.

Prednost rješenja spora između stranaka zaključenjem sudske nagodbe je i očuvanje dobre poslovne saradnje i stvaranje pozitivnog poslovnog ambijenta

Prilikom zaključenja sudske nagodbe stranke same biraju način rješenja spora i nagodba predstavlja njihov međusobni dogovor. U tom slučaju istinski sami odlučujete o sudbini Vašeg spora.

